

21/8/2014

Dalam Negeri

GRO 44 tahun mendakwa dirogol anak 15 tahun - Polis

KUALA LUMPUR 20 Ogos - Seorang remaja berusia 15 tahun ditahan setelah didapati merogol ibunya yang tersalah memasuki bilik anaknya itu di rumah mereka di Taman OUG, Cheras, di sini kira-kira pukul 2 pagi ini.

Timbalan Ketua Jabatan Siasatan Jenayah Ibu Pejabat Polis

Kontinjen Kuala Lumpur, Asisten Komisioner Khairi Ahrasa berkata, kejadian berlaku ketika wanita berusia 44 tahun yang bekerja sebagai gadis pelayan pelanggan (GRO) itu baru pulang dari kerja dalam keadaan mabuk.

"Dia telah tersalah memasuki bilik anaknya dan hanya menyedari

telah dirogol selepas terjaga daripada tidur dan melihat anaknya yang tidak berpakaian berada di atasnya.

"Selepas mendapat nasihat jirannya, wanita tersebut membuat laporan dan anaknya ditahan di rumahnya sejurus laporan dibuat," katanya ketika ditemui dalam Majlis Sambutan Hari Raya Jabatannya

di IPK Kuala Lumpur, di sini hari ini.

Tambah Khairi, hasil siasatan awal pihaknya mendapati anak wanita berkenaan sebelum itu telah melihat gambar dan video pornografi di telefon bimbitnya.

Beliau berkata, pihaknya masih menunggu laporan perubatan daripada pihak hospital berhubung

perkara itu.

"Kita akan dapatkan tempoh tahanan reman pada hari ini bagi membolehkan siasatan mengikut Seksyen 376(3) Kanun Keseksaan kerana sumbang mahram.

"Remaja tersebut masih bersekolah dan kita menahannya bagi membantu siasatan," jelasnya.